

# Kiwanis



Kiwanisklúbburinn Jörfi K 07990

kiwanis.is

Efling, kraftur, áráði – Ábyrgðin er okkar

## *Skýrsla forseta Jörfa á svæðisráðsfundi Eddusvæðis haldinn í Reykjavík 13.nóvember 2010*

Frá síðustu svæðisráðstefu Eddusvæðis sem haldinn var 27. mars 2010 á Akranesi er þetta helst að fréttu af starfi Jörfa.

Starfsárið hófst hjá okkur með stjórnarskiptafundinum sem haldin var á Hafinu Bláa við Ölfusárósa, laugardaginn 25.september 2010. Það var svæðisstjóri Eddusvæðis ogfélagi okkar í Jörfa, Jón Jakob Jóhannesson sem sá um stjórnarskiptin með góðri aðstoð Leifs Ásgrímssonar.

Á fundinum voru teknir inn tveir nýir félagar, einnig voru ýmsar viðurkenningar veitta og Sigursteini Hjartarsyni var veitt silfurstjarna styrktarsjóðs Kiwanis.

Þá má geta þess að á stjórnarskiptafundi, sem jafnframt var 35 ára afmælishátíð og haldin var í apríl s.l. var Jóni Jakob Jóhannessyni, núverandi svæðisstjóra Eddusvæðis einnig veitt silfurstjarna.

Frá stjórnarskiptum hafa verið haldnir 2 stjórnarfundir og 2 félagsfundir og er mæting mjög góð. Á þessum fundum voru afhend erindisbréf embættismanna og nefnda starfsársins, og fjárhags- áætlun og reikningar voru afgreiddir.

Á fyrri sameiginlegan fund þeirra 5 klúbba sem en halda til í Kiwanishúsinu við Engjateig mættu 15 Jörfafélagar. En fundurinn var í umsjón Höfða.

Þetta er 36. starfsár Jörfa, félagar eru við upphaf starfsárs 31, þar af 3 í leyfi. Jörfi var meðal þeirra sem útnefndir voru fyrirmyndarklúbbar á síðasta umdæmisþingi, en þingið sátu þrjú kjörnir fulltrúar Jörfa auk tveggja annara félaga. Þá var Jörfa afhent viðurkenning fyrir athyglisverðustu fjáröflununa sem er sviðaveislan og afhentur bikar því til staðfestingar. Á dagskrá starfsársins eru 17 félagsfundir og 8 stjórnarfundir. Auk þess hin árlega þjóðhátíð 1-3 apríl, gróðursetning og sumarferð.

Fjáröflunarverkefni okkar eru farin af stað, haldin var hin árlega og verðlaunaðasviðaveisla í hádeiginu fyrsta vetrardag að þessu sinni í Breiðfyringabúð, Faxafeni 14. Undirbúningur var að venju undir stjórn fjáröflunar - og styrktarnefndar. Þarna komu um 180 manns.

# Kiwanis



Kiwanisklúbburinn Jörfi K 07990

kiwanis.is

Efling, kraftur, áráði – Ábyrgðin er okkar

Áður en borðhald hófst léku þeir Jörfafélagarnir Gunnar Kvaran og Friðjón Hallgrímsson á harmonikur.

Ræðumaður var Haraldur Finnsson félagi í Jörfa, þá tók til máls umdæmisstjóri Óskar Guðjónsson. Dregið var í happdrætti og seldir geisladiskar, 18 gullkorn með Örvari Kristjánssyni og rennur hluti söluverðs í styrktarsjóð Jörfa. En ágóði sviðaveislunnar rennur til langveikra barna. Jörfi þakkar öllum sem studdu klúbbinn í þessu verkefni.

Undirbúningur að næsta fjáröflunarverkefni er hafin, pökkun og sala á sælgæti fyrir jólin. Þá munum við eins og undanfarin ár, afhenda matarkörfur til bágstaddra í Árbæjarhverfi í samvinnu við sóknarprestinn þar. Við styrkjum tvö börn í SOS þorpunum, eitt í El Salvador og annað á Haiti.

Það er starfræktur gönguklúbbur í Jörfa, og er hann opinn öllum Kiwanisfélögum. Þá hafa verklagsreglur Jörfa vakið athygli og hafa þær verið prentaðar í félagatal og starfsskrá Klúbbsins, og eru einnig aðgengilegar á heimasíðu Jörfa.

Félagar í Kiwanisklúbbnum Jörfa leggja áherslu á að starfið sé lifandi og skemmtilegt, og það er ávallt tilhlökkun að takast á við næsta verkefni eða mæta á næsta félagsfund. Þannig verður Kiwanisstarfið skemmtilegt.

*Valur Helgason, forseti Jörfa*

**Jörfi – Það er málið !**

